

(<https://news.usm.my>).

Berita Mutakhir

17
MAY

PPSK JALIN KERJASAMA DENGAN ISTANBUL MEDENIYET UNIVERSITY



KUALA LUMPUR, 15 Mei 2018 – Satu majlis penyerahan dokumen perjanjian persefahaman (MoU) antara Pusat Pengajian Sains Kesihatan (PPSK) Kampus Kesihatan Universiti Sains Malaysia (USM) dan Istanbul Medeniyet University telah diadakan di Hotel Istana Kuala Lumpur hari ini.

Majlis penyerahan persefahaman ini dihadiri oleh Dekan PPSK Profesor Dr. Norazmi Mohd Nor dan Dr. Zuraida Zainun manakala pihak Istanbul Medeniyet University pula diwakili oleh Profesor Mahmud Tayyar Kalcioğlu.

Matlamat utama perjanjian persefahaman ini adalah untuk mewujudkan kerjasama dalam bidang perawatan kesihatan menggunakan modul Balance Exercise (Bal-Ex) yang telah diperkenalkan oleh Zuraida.



Balance Exercise (Bal-Ex) Dance merupakan tarian terapi yang berasaskan senaman keseimbangan yang ringkas untuk individu yang mengalami masalah keseimbangan badan dan penyakit vertigo.

Melalui MoU ini juga, kedua-dua pihak akan bekerjasama untuk membangunkan dan melaksanakan program pasca siswazah dalam bidang kesihatan awam, penyelidikan, program pertukaran pelajar dan pengurusan penjagaan kesihatan di peringkat antarabangsa.

MoU ini juga menunjukkan kesungguhan semua pihak di dalam menyokong usaha Universiti untuk mewujudkan kerjasama dengan pelbagai universiti luar melalui perancangan pengurusan yang strategik dan sistematik dalam menangani isu-isu yang berkaitan dengan teknologi penjagaan kesihatan yang lestari.



Sementara itu, Norazmi berharap dengan termeterai MoU ini, ia akan menjadi titik mula ke arah pelbagai usahasama lain pada masa hadapan di dalam perkongsian kepakaran khususnya untuk melonjak lagi aktiviti penyelidikan.

“Ia juga akan meningkatkan lagi tahap ilmu dan kemahiran pelbagai pihak yang terlibat dan saya amat yakin bahawa usaha ini akan menempatkan USM ke tahap yang lebih tinggi di persada dunia.

Istanbul Medeniyet University ditubuhkan pada tahun 2010 dan merupakan antara universiti awam yang terkemuka di Turkey, terletak di kota metropolis Istanbul.

Teks: Mohamad Iqmal Mathlan/Foto: Wan Mohd Rashidi Wan Mood



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015